

經部

易小帖卷三至

經部

詳核官國子監然酒臣覺罪吉 善 通政使司副使臣英雅菜覆勘


校對官中書臣王鍾泰 總校官庶吉士 臣倉 聖脉 曆録監生 丘熊

濓

欽定四庫全書 こううえ 易小帖 提要 國朝毛奇数說易之語而其門人編次成書者 ことう 附 臣等謹案易小帖五卷 也奇戲所著經解諸書惟仲氏易及春秋傳 種是其自編餘皆出門人之手故中問有 八門人語者此小帖儿一百四十三條皆 易小帖 經部 易類

敏定四年全書 **發開其先路其論子夏易傳及連山歸藏九** 詳核第五卷所記皆商推仲氏易之語初 明漢儒之學使儒者不敢以空言說經實奇 有强詞漫行以博濟辨之處而自明以來中 失於王弼陳搏二派攻擊尤力其問雖不免 觀其書徵引前人之訓話以糾近代說易之 之經義考云皆西河氏紀說易之可議者令 講易之雜說與仲氏易相為引伸朱髮尊載 快要

) 1.4. 為 唐所為西河傳又稱易小帖 録改二 若奇龄之門人可謂能爱其師矣乾隆四十 卷令本五卷蓋其門人編録有所刊削考 原 四書章句集註或問相左皆失於簡法之 字 附載仲氏易末後乃移入此編舊目本十 八卷又刪為五卷也儒者尊奉 白奉為者蔡多以未定之說編 一程遺書米子有疑朱子語類又每與 易小帖 卷盖十卷 先生每



とこり車と言 剛柔相推而生變化又云變化者進退之象也 以後陰文與陽文皆屬 不知變化者進退之象則 進退諸陰陽之畫而變 院檢討毛竒龄撰 丁變推而行之存乎

金万四届了書 乾坤二卦皆有類字乾卦則各從其類也坤卦牝馬地 易乎 神而明之存乎其人此推易之法也蓋推易者往來 往小來立往來大義而其中之往來者亹亹馬非 來是以六十四卦于泰否二聚卦獨曰小往大來大 月往則日來日月相推而明生馬寒往則暑來暑往 則寒來寒暑相推而歲成馬故又曰夫易彰往而察 進退之事也是以易曰憧憧往來子曰日往則月來

火己日月 台馬 夫子于推易指示極切卦卦有之若其領要則祇大傳 為上下将分之際獨口進退无恒非離羣也盖言羣 方以類聚物以庫分八字故乾卦文言于九四! 知推易一法如此 子作大人聚也見陸德明釋文則是漢儒說易猶有 方以類聚是也又乾卦飛龍在天大人造也劉歆父 卦之首故夫子于此特屢屢及之類猶聚也大傳曰 類又曰乃與類行又曰猶未離其類也以乾坤為聚 易小帖

金片四月月十十 道家言無極實言無氣無形之始非如朱元晦所云老 其意而必不明言所謂神明點識存乎人也人奈何 故分聚抵就陰陽言觀後泰否聚卦于否之六二曰 子言無極乃無窮之義也老子無極在列子有註脚 不三反也 則以不離為不亂大傳所云不尤瞭然乎夫子屢示 大人否亨不亂羣也正言三陰三陽各不相離之意 分非分卦之謂也陽聚而不離雖分卦而實非離羣

とこりもしたり 物以厚分乾鑿度以三畫分三名曰物有始有此有完 究即終也爻詞以三爻上爻為終者即此意說卦傳 陽静而生陰也又曰有形始于弗形有法始于弗法 亦云其究為某卦 此即太極本無極也 極而太極也又曰太極成乾坤行此即太極動而生 乾鑿度云太易始著太極成太易即無極也此即無 以太易未見氣始為無極太初既見氣始為太極故

多定四庫全書 **卦有列兩為對者虞仲翔所謂旁通之卦而孔氏正義 泰字不解其義後讀繁傳曰彖材也謂一卦之體材也** 名曰變卦以陽變陰陰變陽也計有合一而顛倒對 漢書財祭財擇引決自財與泰象財成天地之道類 並非材字論語集註故誤解耳 語謂是裁度之裁材裁古通字則古但以財通裁如 者王輔嗣所謂反對而孔氏正義名曰覆卦覆即反 劉獻云斷一 一卦之材是也或引論語集註無所取材

久三月巨 公子 易有日月相街之文其字形則上日下月取其的明其 端盡那 者如泰否顛倒卦也然並列之則三陰三陽正復旁 **坎離頤大過小過中孚八卦外凡五十六卦作二** 通推之而既未濟歸妹漸盡隨皆然然則易變可 凡四旁通而畫卦已畢文王序卦專取覆卦除乾坤 也第伏羲畫卦專取旁通乾坤一旁通六子三旁通 覆卦而六十四序卦已畢但又有以旁通兼覆卦 易小帖

卸好四周全書 易原有去入二音其讀去聲者因舊時未分四聲故去 讀異隋唐以後多讀亦北人多讀異南人多讀亦其 宜 字義則日往月來取其變易此易緯所云也又易者 又有不易之易謂不更改天地名君臣位父子上 生萬物不難所謂易也此則難易之易當讀異去聲 寶一也自舊有去音昧者遂謂讀異者必易知之易 人同音而北人讀字又有去無入是以漢晉以前多 及言此改易之易讀亦如字見乾鑿度

易有五易見仲氏雖去入兩音只是一義古變易之易 易押可驗若謂漢晉以前無變易之解則繁詞云神 皆讀去聲如班固東都賦紛綸后辟與蹈一 又云乾坤毀則無以見易無以見易則乾坤或幾平 有入聲之讀則繁詞云日新之謂盛德生生之謂易 無方而易無體此夫子之解義也若謂隋唐以後始 有陽無陰也而可乎 夫乾以易知坤以簡能二者不偏廢也獨取易知是 聖之險

欠己日臣心時

易小帖

金牙四月百量 何平叔作論語集解其于夫子之言性與天道句註云 畔名子如欄干那邪類 易可讀與便妄生議論可鄙極矣至若說文以蜥蜴 為蜥易此重傍省文之字而楊升庵遂謂易是守宫 息此夫子之讀音也賢儒但觀一 屬天道單舉元亨者略言之也觀此則乾卦四德之 以元亨日新為天之道而乳氏正義謂元亨利貞皆 之名則漢書食貨志以疆場為疆易得毋易又是疆 古重傍省文字 隊不靚大通偶聞

**見日日 とき** 乾卦終日乾乾以乾字斷句此夫子讀法俗儒以夕字 孟堅諸文為証偶觀蜀志先主紀其自表漢中王文 斷句此必有師承者予既引淮南鴻烈及張平子 句固為不通至夕惕若厲則在明諸儒多有以若字 此況文言本聖人書耶 乾乾自强不息天行健也平叔以清言解經尚知有 句者以易文有紛若嗟若語也但漢晉間儒俱以厲 解其來舊矣乾者天也乾德即天道也日新者終日 易小帖 班

都好四扇全書 朱子發叢說云初竒二偶三竒四偶五竒六偶卦有竒 訓也 若一矣解經不考古而憑臆妄斷欲重違古人何 奏有云易曰終日乾乾夕惕若厲則两漢以來師承 有云寤寐永嘆夕惕若厲漢新恭時孫姨為陳崇臣 重坎象故也王氏易是曰乾二文明坤三含章俱合 偶為象者如乾九四曰淵淵者重坎也自四至上有 離象此皆主卦位為說盖卦位上坎下離一定之數

說卦在漢時已亡至孝宣時河内女子發老屋得之至 首氏集解于說卦傳下予又從他書補入數處如子 夏傳坎為小狐今所傳本雖無有然前儒引據有之 後漢荀爽集解又得八卦逸義三十有一今諸家所 則翻為補入以舊子夏傳雖亦偽書然在隋唐前去 傳則皆逸義也此非可意造者故朱氏本義已補 推易始末然卦畫純陰純陽則卦位尤顯乾坤是耳 而文王演解亦往往取象于是詳見仲氏易諸卦及

欠三日臣 上野

易小帖

金定四届分量 離有飛鳥之象說卦逸義曰離為飛鳥以離位正南值 鳥此當如小過互異飛鳥與明夷之以離為飛鳥不 维八畜之中獨離異屬禽翼亦有取象飛鳥之意且 同蓋異位東南正與離近當鶉火之尾故離異皆象 異日有鳥将來而垂其異薛貞曰異值鶉尾故稱飛 漢未遠當或有所受耳 飛鳥以木火子母本相通故也若說卦異為雞離為 鶉火之次鶉為朱鳥虞書所云星鳥是也若歸藏初

離為鶴見虞氏易中孚九二有鶴鳴在陰以中孚為大 聲如雷而野雉皆雊則夏禽而感春氣皆木火相通 補直非多事也 離故也然九家易又云震為鵠而京房論中孚曰 雉本午質火文而月今雉雖而雷發聲漢書陳倉有 两畜木火亦正相通素問以雞為木畜而實銜火 處和體震故象鳴鶴則震又為鶴鶴鵠通字 )驗故知說卦逸義雖極精當然尚有未備其偶

とこう声

----

易小帖

釣兌 歸藏之乾有乾為大赤為天為君為父又為辟為卿為 馬為禾义為血卦此偽書不可據者夫子說卦本以 註易如爾雅之註詩必易中有其辭而故為標之為 宇故已之其及震者以中孚二四同功為震故云 豈商易卦辭與周易有相通者耶 既有為鵠則不必複出且房但言義無明明為鶴 卿為辟為禾將安用之若其餘則又夫子所已言者 匹 以黃鵠山得名是也舊欲增震為鶴丁說卦中 月全書

虞氏易有異為魚語見于剥始及中孚三卦以剥有贯 是剥五貫魚喜其尚有魚而始四无魚則正憂其魚 消息為義魚雖陰類然在澤有魚而在山無魚故剥 魚則又兑澤為解以兑澤與艮山反也且剥無巽也 及五爻已成艮山姤及四爻亦漸成觀卦大艮之象 異而剥獨無有予當諦觀剥垢二卦皆以陰陽升降 魚站有包魚中孚有豚魚故也但始及中孚皆有下 之自此无也因于中孚豚魚則以巽為解于姤之包

大三日臣 上十

易小帖

金月四月 全書 何以守位日仁何以聚人日財言以顯仁守位以富有 者不宜輕改此類是也夫仁者天地之大德也天子 本且謂古本如是可畏極矣盧東元作此辯云經文 聚人也顯仁富有皆大傳中原文自朱註引陸氏釋 意去取耳 若仲氏易說卦下亦脫巽為魚句則檢點不及非有 無義者或改正之如井有仁馬吉之先見是也有義 文改仁為人致元異澄明季本競起改竄而作偽古

東陽盧東元當以本義易說太略且盡廢漢晉前儒之 とこうほんます 學引朱子自為說云譬如燭龍添一 蔡邕曰仁以守位 條明此引喻之最乖方者夫燭之加籠所以蔽風 守位曰仁足矣何必改從人乎武王有臣三干惟 為父子不仁則亦子為仇讎故大學曰有德此有人 以助明也如欲助明則當曰燈縣添膏不當曰燭籠 心仁也紂有臣億萬人惟億萬心不仁也仁則寇戎 易小帖 條骨則障了

蔡邕曰聖人之大寶曰位故以仁守位以財聚人見 **針定四屆全書** 守位曰仁又北周蘇綽為文帝作六條的其六均 宋十有餘年說易君子不知凡幾至理宗朝程朱說 添骨何則骨非增閣之物籠非助明之具也自漢 誨梁劉昭註後漢書于梁統傳註曰易繁詞曰何 出而諸儒盡廢膏之竭矣何有龍骨斯言良然 隂 其辨 論 臺 A. 也每講 先生 iŒ 以示學 土 特為 官 監察 者 學 軓 序 御史 侢 肵 其 苔 荷亭集 六 經 崇禎 誦 191

火江日東上海 禮記經解有易曰君子慎始差若毫釐繆以十里此明 范什傳亦皆有之則易未嘗經秦火安得逸文豈漢 方朔傳又有易曰正其本萬事理語而杜欽傳後漢 謂是易緯則春秋戰國間有何緯書此言誤矣若東 是易逸文故漢東方朔傳司馬遷自序皆引其語而 世說易家文而雜出于是者耶然不可考矣 王充論衛註及劉昭註仲長統昌言亦皆引此二語 役日聖人之大寶曰位何以守位曰仁俱不作人字 易小帖

雜卦 金片 象以發志也自天佑也賔之初筵三爵不識 對此極近理若畫與味 略有明夷為闇之主語因謂誅是昧字之誤昧與 凹 正同 後觀宋人孫奕作示兒篇以為明入地為闇又 月白星 晉畫也明夷誅也畫與誅失反對之義初亦 公式于恭除起兵以討恭也恭者皇帝名也 共計恭 恭遣張邯 押則無入通韻三聲 3 同人九三爻詞以作

次巴马車人生司 坎之九五象曰坎不盈中未大也李躬祚易解作去 朱氏本義所載筮儀本之焦氏易林撰法而不著所自 宋人著書多類此 大也多一光字 詞解斷猶得古遺法如此 則與周太史繇詞不甚遠矣要知漢去古未遠其據 不興言皆敗絕不得起也其說雖誣妄然以之占易 于高陵升者劉伯升高陵者高陵侯子翟義也三歲

豐其沛市者水草之名公羊傳草棘曰沛禮記王制註 金万巴尼 否之九五繁于苞桑謂苞桑微弱不堪重繁也舊註 有草所生曰菜水所生曰沛語應劭云沛者草木之 時為光禄大夫関拜其子盾為大單于而以降胡 强固解包字失其義矣晉書儒林傳冉関與冉諛同 誠也則非强固審矣苞者叢生無主幹之名 千處之麾下諛諫曰恐變起不測當思聖王苞桑之 蔽茂齊侯田于沛是也自王輔嗣註作幡慢而字書

欠己り 巨八字 大過上六過涉滅頂以兑上為澤口故涉之然而遯以 據且 為過再為涉三而弗改滅其頂凶則一二三次第在 乾易兑則乾首因兑澤而滅故曰滅頂此推易之最 明者若後漢趙典傳其兄子温與李傕書曰於易 非杜撰然何以謾誕乃爾 註易有曰日蔽雲中稱節日在雲下稱沛則不知所 遂有以斾通沛者然終是改字非舊義矣若虞仲 一在雲中一在雲下何所分别漢人有師承或 易小帖

金分四周全書 馬季長于論語在邦必達在家必達註云謙尊而光甲 女子貞不字字字虞翻首爽九家易及唐儒崔憬李鼎 易文並無其候且以四字作三截于大過卦義與 謙德可少耶 而不可踰此引謙卦灵傳以為上文慮以下人句作 六爻義全不可解此不知主何師說以有此 左証也論語邦家必達不止一謙而謙得概之然則 祥諸註本皆作孕妊解即說文玉篇諸字書亦只有

シュンリュー ノーナー 文曰名子者不以國又曰男子二十冠而字父前子 許嫁則明儒郭子章有曰男子二十冠而許嫁必非 禮疏謂笄而字者如春秋之稱伯姬仲姬是也若曰 名君前臣名然後曰女子二十笄而字謂男子成人 語遂註曰許嫁曰字夫曲禮之字是名字之字故上 見也自朱子本義誤引曲禮女子二十許嫁并而字 孕乳撫育二義故文字之字亦以子母相生為義可 即不名而字惟君父前則仍名而女子亦然故孔氏 易小帖 + 4

剑定四库全書 禮云女子許嫁稱字明于字字上加 嫁者稱未字許字夫此係經文且為易禮二書所共 乃不幸元明字書竟入其說將漢魏六朝以及唐人 禮意姚承庵有曰女子許嫁笄而許嫁定無是文義 係之文而以此調停陋矣先仲氏曰人告不讀書昏 昌言其非而輓近恆儒依回兩端以已嫁者稱適未 凡為墓銘者並無男娶女字之文而明代有之予當 九年伯姬卒公羊曰此未適人何以卒許嫁矣何以 稱字春秋僖

大畜何天之衢何荷通即在噬嗑何校已有之故鄭康 とこうと 成曰艮為手乾為首而肩當首手之間荷物處也則 爻義兩俱瞭然程傳解爻詞則曰誤加何字解象傳 天衢也則實言大畜三陽不家食而登天衢于卦義 分明是負荷之義故康成又曰乾為天艮為徑路此 其許嫁字者伯姬也人不識曲禮盍亦就諸經 知許嫁婦人許嫁笄而字之則明以伯姬之稱而 7:4: 易小帖 觀 知

| 多定匹库全書 坎六四樽酒簋貳此孔子所讀者象曰樽酒簋貳是也 貳者副也鄭康成曰天子大臣以王命出會諸侯 通達之甚此皆感于王輔嗣語詞之註而誤之者宋 則又曰何以謂之天衢作詰問解至本義又曰何其 註 國尊松簋副設玄酒而用缶此自可據而未子以貳 之言其敢于毀孔子而必不敢違輔嗣何以至此 則淪于異端及謂大行非文王之事說卦非聖 極倔强獨于王註則遵若科律歐陽修謂易無王

くこうう こうう 翔易有禮有副樽故貳用缶則雖以貳字連下作就 去則不信孔子而信輓近作偽之小儒大無理矣據 乃又引晁氏據陸德明釋文本謂原無貳字所當刪 晁氏云先儒多此讀考漢魏六朝並無其人惟虞仲 通矣于是引晁以道偽古本以為先儒皆篡字作句 為益酒之貳引酒正大祭三貳為註則于簋貳為不 而仍以貳字解樽於之副則仍以貳字句觀其于象 以貳字連下讀及註象傳辭則明與孔子所讀不合

**到定四牌全書** 樽酒簋貳以坎水有酒象坎之窗有簋缶之象若鄭康 傳仍不去貳字可驗且爻詞多有韻者找自六三至 成謂四以互體居震之上爻而其辰在丑丑上值斗 其然 其讀也若曰樽酒簋不惟孔子不然文王演解亦豈 上六皆有韻文字樽酒與用缶自牖三韻相協簋貳 其形又如缶此又以卦象方位解爻義者至離之九 可以斟酒又斗上有建星其形似簋建星上有弁星

火已日戶上時 晉如鼫鼠就文云五技鼠也蔡伯喈云鼫鼠五能不 另 是坎合艮震皆至 註以五技鼠為飛鼠將以碩鼠當之雖字可通用然 Jt. 值弁星似缶則以艮震皆東北方卦皆在丑位故云 二鼓缶而歌又云此艮爻也雄作及及位在丑丑 技故古云五技而窮九家易解皆然來氏梁山易 物矣若廣韻謂鼠類則更不然易凡象物必 Ų. 其為簋為去又不止震上一爻如 易小帖

多为巴居石量 頤二五皆有拂經語舊不得其解謂二養于初五養于 是鼠非鼠類也 據此是火地晉二四為艮艮為鼠故曰鼫鼠則實實 古云無野人莫養君子又云諸縱生盡以養一丈夫 六五二字即接反常而可以成爻詞者然四 則下原有養上之義即上就下養未為反常至于 上為反常按爻詞並無初上養人二五就養之義且 之養下則養賢及民本文有之又不待言也且未 Ķ. 顏 頤

中脈下貫尾間上合斷交而歸其氣于喉吭之間如 謂吭也吭為氣經如徑之出入故讀徑此即莊子之 諸釋並不及經臟經路二義固屬缺陋而至于解易 熊之攀樹引氣鳥之仰吭嚬呷而諸儒音讀皆作 所謂緣督為經淮南子之所為熊經鳥呻者蓋督為 則率以經常概之殊不知頤之拂經本讀作徑去聲 凡經有數義今字書所載止有經緯經常經界經過 云引脈作吭者至于熊經則莊子司馬彪註原云 如

九三日巨 上馬

多分 犛 處在腓 傅 遂至蒙昧夫經之為吭 莊 腓 如 U 論 則明明 不晚此義但註經為常而至于熊經則無 孟子輔之翼之是也 既可稱經亦可稱吃蓋縊處在 以貫高縊死為絶吭而 L 語自經溝漬首子救經引足類亦惟經 ノコゴー 即 謂 以熊經為熊之引吭 2 腓覆處在翼即謂 不 舊 死 止 非 ソソ 而 引吭為然也考漢書 經 足 解 諸書縊死皆作 經者吭也自郭 况 2 經 引 翼小雅小 即 吭 謂 2 曰熊 經 即是 可 引 如 經 經 所 走 死 列

家以雉字解雉性耿介頭擔屈折皆不為過獨孔 解而誤為正定者也若韋的註雜經但云縊死而 熊善養氣維易搶死故有殊耳實則易之拂經莊子 吭則謂之雉經其為經同而所以為經不同者止 · 口雉經引坑絕吃總皆以禽獸為喻雖雉飛熊走 經讀徑雉經亦讀徑陸德明之註曰如字亦仍不 之緣經淮南子之熊經國語之雜經只是一 族類不 一然猶是仰吭而在引氣則謂之熊經在絕 經故熊

欠己日見

とまう

解表雷雨作而百果草木皆甲拆甲者乎也芽萌于殼 · 听而死申生雉經當亦如是此是實據而字書 蔑烈 達作檀弓疏引鄭註雉經字謂康成曽以紛箸牛鼻 **蘀中拆則自甲分裂而出本自明白惟馬李長陸公** 拂經皆欲食之狀何精核也詳見予本卦註下 竟失此義陋矣若頤之拂經則正與頤類及者采頤 繩註云今人稱之為雉遂以雉經為牛鼻繩所縊 死則未免杜撰但仲達又云漢書所載趙人貫高絕 而

金灯四屋

白星

明夷夷于左股左在右後即師卦左次可驗惟蘇子瞻 皆為拆故以拆為宅不然但有皮根而無解拆雷雨 鏬則是皆字讀作懈而解作拆謂拆皮與根也此以 理後考康成註原有皆讀如人倦之解解謂拆呼音 理鄭康成本俱以甲拆為甲宅謂皮曰甲根曰宅宅 云爻言左右猶言內外也在我之上則于我為左是 之作何為矣 猶居也註釋家多引之然百果草木皆皮根無是句

欠二刀車 二十

金分四周全書 先子當言東林講易有輕薄子云每卦分六爻作六家 東右西以西方之酉借離目以視東方巽氣之股但 有明德欲承九三故云睇于左股則仍以方位言左 震是東方六二下離為目九三辰得異氣為股六二 股為睇于左股旁視曰睇謂六二視九三則似左在 指東西不拘上下與蘇說又不同 以左在上右在下不知所據若鄭康成說以喪于左 上矣然其解謂六二辰在酉酉是西方九三體在震

大己日臣在時 使之 象數造此孽境然亦不宜惡薄如此雖曰作易在中 輔嗣易註與宋儒諸就易家原是如此且又的曲 端有嫉妒時或五家讎一家否則一處闢五處前牽 易何以設立此惡薄門户其言雖輕薄隣于侮謾然 後挽左控右訴顛倒反覆不知何故竊不審聖人就 未嘗惡二而因文立義誣指為惡其意不過欲翻 直重冤叠抑二原不猜三而就辭釋意强坐以猜初 排居住有時相好有時相惡忽然起猜疑無 易小帖 作 掀

金好四月 百言 屯六三即鹿即從也猶從獸從禽也後漢逸民傳有野 古又日當紂與文之世然有憂患者何必至是 易小帖卷 王二老即禽即虎本此

とこする 欽定四庫全書 互卦三聖俱有之見予仲氏易繫辭註中若漢儒則京 焦馬鄭以後無不備及非是不足以成易也且漢儒 者又別如虞仲翔于豫卦|||二初至五體比故 尚有四爻五爻連體 易小帖卷: 建侯三至上 たいよう 一體師故利行師 易小帖 法與二四三五以中文立互 翰林院檢討毛竒齡撰 以上四文連體

金灰四周至書 本義奔其机無解按字書机只是木與易義不合此机 **並無通作机字者** 字當是机字机几同程傳謂俯而憑之是也若朱允 升謂車中之机則車中是斬車傍从兀係轅端衡木 之象中字||||||虞氏曰自三至上體遯皆四爻連體 下五爻連體也若賣卦||||人侯果曰自三至上有頭 歸妹程傳以帝乙為成湯又為祖乙按紂父名帝 例

禮歸其妹于諸侯是也惟左傳杜註則指定微子之 有云帝乙歸妹以祉元吉婦人謂嫁曰歸言湯以娶 原有以帝乙屬成湯者觀後漢荀爽傳其對策引易 即鑿度所云六世王者商自湯至祖乙雖有十餘帝 父與虞氏易曰紂父正同此是正解若又曰祖乙此 以明功又曰湯以乙生嫁妹本天地正夫婦則當時 度云易之帝乙為成湯書之帝乙六世王同名不害 一成湯名天乙天乙祖乙自皆與帝乙不同但乾鑿 易小帖

大己の馬と時

金分四周白電 本義既濟亨小利貞以小字作句謂之亨小此本王輔 察耳 故亨小之文則始于虞矣後儒不見王以前易不知 而父子相嬗祇得六世則正指其人要知天乙祖 嗣註然實不始輔嗣虞仲翔 近帝則寧將三乙溷稱之而後儒冒昧即亦相習不 原非帝乙第漢儒解易必謂文王口中或不應斥言 所始然本義則亦但本王註耳他何從知之 即有小謂二也柔得中

豐之初文雖自無咎自者十日之名鄭康成所謂十 小孤汔濟汔幾也王輔嗣謂能剛健拔難然後克濟此 註旬為均致程傳本義俱以均字為旬字釋間嘗疑 者朝聘之禮是也自首慈明本作均字而王輔嗣遂 失漢儒註書義矣易有習用字井卦汔至亦作幾解 程傳遵其説竟改仡字且引秦誓仡仡勇夫為証則 且與坎水接濟彼此隱合則何不如字為恰當乎 稍有以汔為畢力之文然未嘗明註曰汔當為仡也 日

欠三日日 上言

金分四月分量 歲三日同其曰公旬者非謂均人公役必當限以十 旬者為証此即首王釋均之所始第細釋禮文此是 旬用三日馬中年則公旬用二日馬無年則公旬 日也歲以日為始日以旬為終但言旬而日之成數 康成誤註者按公旬三日此與王制用民之力不 之及考周禮均人註凡均力政以歲上下豐年則公 )該所謂公旬亦祗曰公役之日云耳康成意以為 日馬康成註云旬均也引易坤為均今書亦有作

子未食而見適子庶子已食而見其所云旬而見者 正云越十日而始得見也曰未食已食者于十日之 再誤者按內則由命士以上及大夫之子旬而見家 見文亦註作均此即康成註公旬之成見而一誤致 獨此一字忽以異形參其間世無是理若內則旬而 何難直作均学且本文前後凡為均字者不止十餘 所謂三日非十日者然以均人均力而立為均政亦 三日兩日不當稱旬故遂註為均此孔仲達疏鄭意

九三日戶 A 新

金为四周石雪 之先後見之既見乃食則于本文既周章不明而 字為証則有無令本原不足憑縱有之亦字形之誤 字義証左絕罕既引易說卦傳坤為均有今本作旬 增同時生子之說傅會增飾大無理矣若其引均旬 際見時或已食或未食也乃註旬為均則其義難解 非本義也乃既取作証而其註內則則又云旬字是 于是增其説云有時適妾同時生子均而見者以生 均聲之誤則仍屬誤字並非字義且幾見均旬為同

鄭康成註雖旬无咎以旬為十日此是確解前既已詳 言之矣但其云初修禮上朝四四以匹敵恩厚待之 聲者即此兩證皆周章之特甚者而王氏承誤註旬 **唾而不自知何也況康成註易則又仍作十日也** 雖留十日不為咎正以十日者朝聘之禮止于主國 為均是王氏作註本欲攻鄭氏之短而此獨拾其棄 以為限聘禮畢歸又云大禮曰旬而稍旬之外為稍 留非常詳其說似云禮限十日過限即非常禮

大己日巨 公等

金岁四月分言 師中之中雖以二居中得名然兵法大将居中即春秋 傳所云將中軍者蓋兵雖凶禮尚右然兵貴有參奏 爻亦不可解豈以初九爻解有遇其配主語謂四本 心當之非無為也 則勝而兩則爭何氏訂詁以周書人道尚中耳目役 主語此誰主耶此四又當朝誰耶 此于易義為最合者第其禮別無他據且初文朝 初配而主有君稱故當朝耶然則九四亦有遇其夷 四

七日來復只從剥之上爻至復之初爻合七爻為七日 師左次者兵禮尚右右前左後八陣以前衝為右後衝 除也曰左腹豐卦九三陽也曰右肱此皆以兵法并 震為左來矣鮮云乾先坤後乾右坤左故明夷六四 乾坤為說統不如卦例以上一文為右下一文為左 陵左前水澤意合故曰左朱楓林旁註謂四變則至 為左是也若焦弱侯云四乘坎之上與兵法右背山 之簡當然此猶尚是有據之言

处已日年上時

金月口后 陽消長之理與否泰同故剥復倒對 谁惟 蓋十 剥在其中不必别取他象而惟以復之 者縁始遯觀坤皆别為象義而惟剥與復則專言 之所竟日七日如臨觀倒對照明 合為七 取二卦為辟卦之 陽 Б. 隂 既 盍 剥 二群卦以剥為陽之將盡復為陽之初生故 111 TIME 日 而 而 于 陽將盡矣至 是 隂 生 群 陽 姤卦 ·驗則就剥上爻歷坤六爻至復 復 卦 六隂 生 始 分 謂 隂 歷 抻 陽 尐 二 復則 隂 隂 但言臨而觀在 其所以必從 遯 六 卦 Ξ 所始者為 自 隂 但觀復 Д, 否 月 四 剩 利 而 而 觏

是六月非七月也若何氏訂話謂七日即七月然非 是月七日是日以月作日究為未安且六陰六陽亦 中不必别取他象而惟以臨之所進為觀之所止曰 六陰臨觀八 月為二之日也則自十一月子至十月亥仍是六陽 日其不言月而言日者猶豳風以 與進而泰大比夫前反此定理亦定例也侯果 月天行至子五月天行至午凡歷七月為七 月之說恐辟卦相形例無重見且八 一月為一之日二

大臣日戶上

金分四月全書 時每 月 得四六二十四氣而以十二碎卦直十二月見十 四分日之一以坎震離兒四方正卦失北方之卦 祚易解謂易軌一 名七月周之七月夏之五月也則七日二字專屬五 自五月建午榆至十一月建子為七個月只五月便 秋為 月謂五月一 卦司一季一爻司一氣每卦六爻六氣合之 此 分離南方之卦為夏至比西方之卦 四 正卦者艮巽坤乾 成有四時十二月三百六十五 月而即已來復大是無理惟李鼎 刚 隅 扑 矣 分直 月起 之為 日 四

凡五卦直一 歳周天之 餘四十八卦凡六十卦合之剛得三百六十日當 易六十四卦除四正卦不直日外自十二碎卦以及 一十分五日分為四百分加之四分日之一又為 分合之得四百二十分而以六十卦計之六七四 一每卦又各得七分是一卦六爻該所得六日零 一數其餘五日四分日之 毎 月一爻直 卦各管四卦 一日合之得五六三十日是 未濟蹇頤 十月卦也其所管 則又每日分為

大三日軍在時

Ł 七分而以為七日舉成數也令剥之至復隔坤 是至實以分卦直日之法計之則所云自坤至復者 七日是專以日不以爻似推歷法非推易法固己 之日耳今直限七日而又非一爻一日反以六爻該 解易似乎精確但其中有大謬者夫剥之至復雖曰 則正隔六日七分為七日此以易緯分卦直日之法 月之可以月計故却月書日耳所云七日約七爻 日實在坤亥一月之中特未當外兼他月如臨 觀 卦

金分四周分書

次足四車全勢 一門 録直日此皆以歷數强合易數而究竟不齊不可 時月與日並無分别積日成月積月成時原無有 地之心諸語又龃龉不通況京焦緯學甚屬矯强即 孚四卦而後至于復則已隔四七二十八日而況復 計坤直十月凡管四卦坤之至復必歷未濟蹇頤中 今十二直月既同列直日之數而獨于直時四卦 卦陽氣之動實兆中孚則于陽生于復與于復見天 之所接又是中孚並不是坤若謂中孚與復止隔 易小帖

論語唐孔氏疏引春秋元命苞及樂緯稽耀嘉云夏以 周以十 説歷乎何不通至此 而小變之謂七日之日以歷書每日一周天之日言 者至數日則尤謬之謬矣若近儒因推算不合又從 不以緯書六日七分作一 三月為正息卦受泰殷以十二月為正息卦受臨 辟卦合之復辟十 一月為正息卦受復此即三正相傳舊說而 月臨辟十二月泰辟正月 卦之日言則此說易乎

次足四車全島 漢藝文志列尚書目引易曰河出圖洛出書聖人 易緯通卦驗論 風 卦氣説而又小變者然亦説卦次第也融風一 候坤風凉立秋之候兑風閶闔秋分之候此即直日 明庶春分之候異風清明立夏之候離風景夏至之 冬之候坎風廣莫冬至之候艮風融立春之候震風 心即條風 三月者正月也 風服處以為八卦之風乾風不周立 易小帖 1 八則之 作

篇又云自黄帝至周文王所受本文又别有三十 故書之所起遠矣則漢時皆以圖書為書冊非 篇雖其言不經然其以圖書為書冊之名則在宋 圖畫如今陳轉所傳也但私以洪範當洛書則惡于 以前大抵相同 及識以遺來世其圖出于前漢有河圖九篇洛書六 之徴先王恐其惑人祕而不傳又云孔子別立緯文 孔安國劉歆諸説為非是耳若隋志謂河洛紀易代 1:11 苯

漢代圖識皆昌河洛名如元和下詔有河圖稱赤九會 東漢楊厚傳就同郡鄭伯山受河洛書及天文推步之 とこり ことう 河洛圖書有謂自堯舜時所出尚書中侯曰堯沈壁于 昌十世以光十一以與類 見後漢方術傳序河洛之文龜龍之圖註 術此以圖識為河洛書如曹褒傳河圖括地象類然 洛玄龜員書舜禮壇于河黃龍員卷舒圖出水壇畔 亦是書非陳氏圖也傳稱厚祖父善圖識又云厚晚

卸定匹库全書 崔駰達旨故能扶陽以出順除而入注引乾鑿度謂太 讀圖書及太后引見特問以圖識可驗若黃瓊疏順 帝謂宜開石室案河洛則專指災異言又不同 故二四為肩離二與兑四也蔡氏以洛書配皇極而 于西南之離從中陰入也則離不在南而在西南矣 不知出入先後誤以坤九在南者為離離二在西南 乙之行從陽出而從陰入起于坎北從中男出也止 者反為坤是以九宮襲大傳方位而全失大行之卦

舊儒論互卦以京焦馬鄭諸説為據此師承之說也後 卦予作仲氏易時已引本易爻詞及春秋傳斷詞確 乾兑為履履者禮也乾兑西金之卦於行屬義馬有 互類亦既明晓奈俗學鄙陋終執王韓之說謂無互 數者也其誤如此而斯世尚指為洛書何耶 所謂禮者既視其畫||||則上互為巽下互為離離 示之矣後作推易始末又悟伏義卦名早及互卦如 有據及大傳者如二四同功為下互三五同功為上

たこう員

とまず

易小奶

銀好四月 震來號號號字不見他書即音與義亦不明當及許 巽于南方為火于行為禮則在卦名已有之又泰之 重說文號字無訓但引易云履虎尾號號恐懼按 喬侍讀作易俟 兄妹之稱第以三五上互震二四下互兑故及之 六五有帝人 其何所解惜不作 則演卦立名且有旁及互體者況其他耶予同館 生量 )歸妹之文泰為坤乾並非震兑安得 書極駁互卦且曰折東孔子予 一割詰之

卦四爻祗有履虎尾愬愬終吉並無虩號恐懼四字 所引虩虩即愬想其引易文則止履虎尾虩虩五字 切而愬與蘇又同音皆生徂切惟毛晃音汔逆切稍 有虩虩蘇蘇索索三重字號與索與想同音皆生責 毛晃增韻則並出愬號親三字皆釋驚恐始知說文 疑有錯誤後觀黃氏韻會其釋想字曰音與索同又 而恐懼二字則釋號號之文也履卦止愬愬而震卦 云驚懼謂之想而丁氏集韻則云或作貌亦作規至

九三日屋 白書

易小帖

金分 想想號就同字故履之履虎尾想想馬季長本作號號 震之震來就就首慈明本作恕恕對較便明易不 呉澄熊過奉為金科至妄為解義云號者蠅虎之名 解誤祖虞仲翔説謂蘇者死而復生索者索然氣盡 異而其釋恐懼則諸書並同宋儒不識蘇蘇索索 秦火任人傳讀故同讀之字一字數形其論反多于 覤 亦 則豈有生物名而叠之作重字者其誕妄可知也 四月 親然驚 重 宇 莊 子

欠己日年上時 商瞿魯人春秋時善易者其為孔子弟子他無可考惟 徙杜陵號杜田生是孔子之易五傳至何為漢代傳 武孫虞子乖子乖授齊田何子裝漢與田何以齊田 子生不知易本偶筮其命得旅請益于商瞿氏曰子 庸庸授江東肝臂子弓弓授燕周醜子家子家授東 漢史有云魯商瞿子木受易于孔子以授魯橋庇子 他經有如此 易之宗而其親受孔子者實商瞿也若乾鑿度稱孔 易小帖

金月四月月雪日 子夏傳易無考史志子夏傳詩文選有子夏詩序或云 子之易傳之子夏商即子夏名瞿子木者別是一 瞿氏而後作易傳診矣若後儒作偽子夏傳有云孔 有聖知而無位孔子泣而曰鳳鳥不來河無屬至天 詩小序亦子夏作又子夏有儀禮喪服一篇馬融諸 則橋庇子庸馯臂子弓輩皆連類並稱一人耶抑兩 之命也于是始作十異是夫子素不知易反受教商 耶

**欠巴田臣公島** 藝文志易十三家無子夏撰述惟隋唐志有子夏傳 見誤其說見孫坦周易析蘊然亦無實據當考陸德 明釋文及李鼎祚易解亦偶引及則在唐時已信行 則詩禮春秋而外并書亦並歸子夏然亦無易名漢 禮春秋皆子夏所傳述者然並不及易即後漢徐防 上書有云詩書禮樂定自孔子發明章句始于子夏 儒曽為訓説風俗通云穀梁赤子夏門人故舊稱詩 二卷不知所始或謂係漢時杜子夏作以子夏名同 男小帖

氫兌 其書然陳氏有云釋文易解所引者反為今子夏傳 傅本有十一卷又孫坦云或取左氏傳證之晚又 本所無有又在隋唐志止云二卷上卷已殘闕今所 今號為子夏傳者崇文總目知其為偽而不知其所 舊子夏易傅二卷唐劉子玄巳知其偽然其書不傳 十八占稱夫子曰縣官今亦無左傳與縣官之稱 作之人乃獨知為此唐時張弘所作不知何所據而 不惟非子夏傳亦并非隋唐所傳本矣若晁以道謂 四 1 生生 得 則

左傳三墳五典八索九丘不知所指乳安國謂三墳者 書則其三與五亦但合三皇五帝數目而作偽三墳 伏羲神農黃帝之書五典者少昊顓頊高辛唐虞之 急閱一過然並不引及總之偽書無可道耳 書然亦無言作偽子夏傳者予仲氏易中亦偶引傳 今所傳本則向無其書今適為崑山徐氏所雕刻亦 文并經文互異字總見陸氏釋文及李氏易解本若 云然按弧為唐試大理評事館閣書目曽載弧所著

**火已回車 在馬** 

易小帖

金分四石百量 然又謂八卦之設謂之八索求真義也九州之制謂 易則無理矣至八索九丘孔氏謂夏商周所傳大 若山堂考索曰八索八卦之説則正述孔氏語然孔 色日山墳形墳氣墳謂即義易與連山龜藏三皇之 形歸藏以之而御氣大易以之而立數遂造三墳名 者寫子華子出于一立于兩成于三連山以之而呈 氏又謂先君孔子讚易道以點八索述職方以除九 之九丘言九州所聚也則豈八卦之設在夏商後耶 ķ 訓訓

周禮太卜掌三易之法一曰連山二曰歸藏三曰周易 故干寶謂連山者列山氏之書也而夏人因之歸藏 名坤乾者以周易首乾商易首坤也然又名歸藏以 宋而不足徵也吾得坤乾馬註者謂即歸藏之書其 大傳曰坤以藏之也由此而推則連山為夏易可知 **外有據之說故禮運引孔子曰我欲觀殷道是故之** 鄭康成謂連山夏易歸藏商易與周易而三此必師 丘則八索九丘總為夫子所除點者更不可解

**火己日臣公島** 

易小帖

金分巴尼 帝三世紀夏人因炎帝而曰連山商人因黃帝而 說大相刺謬而後儒祖其說以關康成且有謂連 義為夏易所因之書與連山本神農周易本伏羲之 伏羲歸藏作于黄帝合周易為三易則以連山屬伏 歸藏正同若杜子春賈公彦輩註三易謂連山作 則必二帝原有其書而夏商因而用之此與皇甫 文王因之則以連山歸藏適與炎黃二帝氏號相 軒轅氏之書也而商人因之小成者伏羲之易也而

大三日日上年 商易占變不用九六而用七八故云公羊傳疏孔子 欲作春秋卜之得陽豫之卦宋氏云此夏商之卦名 用與周官同而不學之徒尚謂夏時非易名義易非 觀左傳國語並計有遇艮之八泰之八語註者謂夏 易而周官太卜掌卜筮之法則三易兼用故井及之 易本義易未嘗謂有義易無夏易也正惟夏商原有 歸藏并非夏商之易則并實杜亦矛盾矣買杜謂夏 則明明夏商有易且亦明列之三易之數為太卜兼 易小帖

金片 舊儒作三統說者有謂周正建子實得天統故周易以 首艮者人也按乾天坤地以之合天地二統最為明 則夏易連山何得先晓周易爻辭而取義于此若宋 確惟艮為人統頗費解説一 字Ⅲ不無穿鑿 為首坤者地也夏正建寅實得人統故夏易以艮為 乾為首乾者天也商正建丑實得地統故商易以 夏易何其恆乎 曰周易艮卦六爻皆以人身取義 曰艮卦畫象似古文

the state of the s 為坤凡十二卦配十二月每一卦為一月之主碎者 關于五人生于寅也則艮為人統亦猶之寅為人統 艮為東北卦于方為寅寅者人也所謂天開于子 首艮之義則得矣然以為人統則仍未解按說卦傳 君也主也謂主一月之卦也若推易之法則適以此 而又何疑馬 二辟卦十二月卦也自復至夬而為乾自姤至剥而 謂乾始萬物坤終萬物而艮則終始萬物者其于 易小帖

金月口后 摘六辟以建紀則又去十二之半者若晁景迁謂歸 説作十辟卦變是也其又名六辟卦如乾鑿度洛書 或以乾坤二聚卦無移易法則又去此二卦名十辟 十二卦為聚卦為他卦移易之主亦名十二群卦其 藏偽書中及十二辟卦似辟卦之説在夏商已有之 卦故漢儒又有十辟卦之説宋朱震元朱升做漢儒 取之非有他耳 則以歸藏本後儒偽撰而辟卦之說在偽書前遂襲 1 次足四車公島 實註三易謂連山首艮歸藏首坤周易首乾然又云 相抵牾且以大傳帝出乎震一節為歸藏之易亦不 初東即初艮初克初榮即初雜初羞即初異此歸藏 乎兑戰乎乾勞乎坎成言乎艮此連山之易也初乾 合且亦不知所據若又云伏義之易小成為先天神 之易也則連山終艮歸藏次坤與首艮首坤之說自 之易也帝出乎震齊乎巽相見乎離致後乎坤説言 天地定位山澤通氣雷風相薄水火不相射此小成 易小帖

農之易中成為中天黃帝之易大成為後天此即宋 必十八變而後引伸觸類能事已畢非謂伏羲祇畫 揲蓍者言之謂十八變中九變而成內卦祇為小成 六十四卦為大成之所始夫大傳祇有八卦而小成 史記所云神農觀日中交易而作重卦也八卦因重 儒以伏羲為先天以文王為後天以八卦為小成以 卦至神農而後重之如京房所云神農重乎八統 語此又増中成大成原是不妥且其云小成者就

大己日臣公告 結繩而治作易者其于中古語後儒遂増入下古以 易非羲易則悖誕極矣小成大成先天後天太陽太 除少陽少陰皆前人已言而更易其説遂致懸絕始 傳義易卦位攧撲不破者指為後天反以為此文 王 畫指為先天而以先天屬伏羲乃取說卦中夫子所 知偶然之言後將憑倚不可不慎也又大傳有上古 固巳可怪若宋人造為因重之法陰陽太少層累加 皆伏義事與神農無與大傳自明其以小成屬義易 易小帖

金分四月子書 連山歸藏二易久亡按北史劉弘奏購求天下遺書其 如此 易至唐始出皆偽書也崇文總目載歸藏易晉太尉 時劉炫頗有名遂造偽連山易魯史記等百餘卷上 為伏羲上古文王中古孔子下古易之影嚮可笑類 本蓍三篇至唐世又有司馬膺註十三卷至宋亦亡 參軍薛貞註在隋世尚存十三卷後祗存初經齊母 之已取賞去而後有訟之者免死除名鄭樵謂連山

宋人以羲易為先天文王易為後天始于陳摶此竊干 必漢時尚見其書故字數整鑿如此惜不可考矣 言為宋人竊襲偽造之始然亦冒名歸藏易以坤先 作元包亦以先天後天太少陰陽立卦一如干實所 歸藏四千三百言連山藏于蘭臺歸藏藏于太卜則 乾此則倚傍不足道者第桓譚新論云連山八萬言 **呉澄謂連山歸藏劉光伯司馬膺偽書也若衛元嵩** 晁以道謂商易為張天覺偽作或云即司馬膺作故


九三日年上時

易小帖

金分正屋台雪 竊干實中天之名而又改其說以附于陳氏三天之 歸藏為中天即黃帝易以周易為後天即文王易此 中天圖者已可笑矣至宋咸淳末有東嘉朱元昇者 寶伏羲先天神農中天黃帝後天之說而改襲之然 全襲其説作三易備遺以連山為先天即伏義易以 列九天之名一曰中天非中古之謂後有造為陳氏 所未備仍取蔡李通所定河圖洛書而反之以一 不及中天也先天後天見文言若中天則揚雄太玄

欠己日臣公子 傳天地定位一章為伏羲易以帝出乎震一章為連 枝幹陰陽分合之數以充連山欲避文王後天卦位 藏然又以禮器引夫子曰吾得夏時一語雜及律歷 覆回互以當連山取舊儒納音說牽强傅會以當歸 山先天歸藏納音之私説又無所分别且干實以大 仍用先天轉旋四象老少諸説以充歸藏則又與連 以之糾纏八卦之中命為易本乃取陳氏先天圖反 几為河圖一至十為洛書悉如劉長民鉤隱所傳者 易小帖 Ŧ

金分四月月 揉曲爾創彼見我執此臆有如是者此侮聖言無忌 藏易大易何書夫子之傳何傳乃可任意割剥拗枉 檢咸淳中兩浙提刑上其書薦之而不見用今崑山 憚之甚者也元昇中嘉定武舉為處州龍泉等處巡 山易而此又竊襲而更改之以天地定位帝出乎震 徐氏雕其書入經解中凡十卷 易小帖卷二 二章總為連山易以雷以動之風以散之一章為歸



金好四屆分言 仲氏曰蒙之初筮與比之原筮亦易中要會王不註及 又曰六三亦陰文而无婚媾正以三獨無移易也有難 陰則亦各宜有不甘如合之情于是又皆曰班如以 媾之象其皆曰乘馬宜也然且各對易而各退居于 朱則但指筮者言借問六十四卦何一非筮者乎 無應故不乘馬非關移易也則何以上又乘馬乎 合之七難難進之義其鑿然明確有如是者 之者曰二隂與五陽應四隂與初陽應三與上皆除

九三日日 Little 又曰蒙六三見金夫不有躬以蒙卦而忽及此最屬可 兑故云而王氏以金夫為剛夫此何稱也若然則必 所見而謂此卦六三當求上此卦上九不求三也若 爻中凡上陽下陰上陰下陽內外竒偶相應何限何 以兑少女當配艮少男也此在推易九三為升之互 金夫多金之夫然亦有説以兑為金艮者金之夫也 輔嗣則云上不求三而三求上故不有躬則細審六 疑而本義但云女之見金夫而不有其躬之象以觀 易小帖

仲氏曰唐後儒不晓取象然動輒曰象如小畜一卦頗 復自道之象與說輻曰故有與說輻之象夫妻反目 難解説而本義以象字了之於密雲不雨自我西郊 血去惕出之象有孚擊如富以其隣曰故為有孚孿 曰又有夫妻反目之象有孚血去惕出曰是有孚而 曰故有密雲不雨自我西郊之象復自道曰故有進 可不講者彼安知之 木公稱柔夫矣王氏不尚五行然亦有本文五行不 九二日豆 二十 必云自我也及觀推易則無絲毫可假借者夫以 輔嗣註則第云陽上溝陰陰不能固陽故不雨夫 語了之足矣何必又註也初讀小畜至密雲二語頗 不能解及讀小過九五復有此二句而重疑之間考 雨既處之象如此則凡上下經六十四卦祇用此 固用富厚之力而以其膦之象既雨既處曰故為既 何曹不固且不固不雨不必西郊也縱有西郊亦 除而内外皆陽何曽上薄以五陽而為一陰所畜 不

金分四月分書 震為上半坎而民為下半坎與夫始同乃合之而成 是也未為雨則又稱雲如日雲雷屯是也故猶是 不成雨非不雨乎推之小過則上震一陽下艮 在一陰則仍當兩半坎之間此非密雲乎不成坎則 有然者今小畜一陰從如夬來夬之上兒上半坎也 之為水也其未成為水則稱雨如曰雷雨之動滿 始之下異下半坎也乃以兩半坎合之而成小畜其 水而不成坎則不成水不成水則并不成雨此辭 陽 例

仲氏曰夫子大象于卦爻無與然間有從推易者如隨 仲氏曰同人利涉大川按卦爻屯無川象言象者自此 但王註于此並不釋一字此豈非并巧亦不能者耶 無可易也所謂易有五易而實不易者此也 窮矣此王輔嗣所以有一失其原巧愈彌甚之前也 畜陰主之小過陽主之則其所為西郊者皆稱自我 然比合者而況兇為西郊小畜小過皆有互兑而小 小過其在二陽則仍當兩半坎之間與小畜同此天 多小坊 13

欽定四庫全書 陳氏所傳河圖五十五數洛書四十五數本義襲之 卦曰君子以嚮晦入宴息隨合兑震澤中有雷全無 成艮止故室慾也此亦推易也 吝嗇為您損乾之三以成免說故懲念據坤之上以 初嚮晦者也坤初升兑上為休息入宴者也此推易 晦宴嚮息之義而侯果曰坤為晦乾之上九來入坤 也損卦曰君子以懲忿室懲損合艮兑山下有澤亦 全無忿忿懲室之義而虞翻曰乾陽剛武為忿坤陰 

こうしんこと 書在創授家且無成軌後此者將安宗之 **紫齊作學易記皆尚顛倒如劉長民說然則為圖為 隱作偽關朗傳以關之然後南宋諸儒翕然變名如** 受之陳氏不再傳而劉牧作鈎隱圖易解即已顛倒 周易之首然當時實不明指為孰圖孰書故李溉親 圖解魏華父張文饒作易義朱日華作三易備遺李 其說指五十五數者為書四十五數者為圖賴阮天 今所傳本然究有不盡變者朱子發作圖註聶麟作 易小帖

**針定匹庫全書** 朱漢上好論卦變即大傳古之葬者不封不樹喪期无 再變異木而兑金毀之不樹也三變鼎離為目兑澤 澤下中有乾人棺槨也凡言卦變者皆稱之不知取 流喪也上九變而應三坎兑為節喪期无數也木在 解謂大過自遯四變所成一 卦固無理矣至略按其説惟巽木兑尅為不樹稍近 大過而歷就其他變者以為象則是他變卦非本變 數後世聖人易之以棺槨蓋取諸大過亦以卦變為 變訟乾見坤隱不封也

革巳日乃孚漢儒皆作巳革之日解然彖詞巳革之日 甲推之當是戊己之己此是確解但戊己之己亦有 乃始孚信猶云民不可與慮始必既革而後信之尚 謂之棺槨則直襲虞仲翔説與卦變何與馬 節即自解亦不明矣若巽木兑口而納乾人于其中 革之後乃始革之為成文者惟朱漢上震以先後庚 可通也至爻詞六二已日乃革之則不通矣豈有已 理若乾見坤隱則卦原無坤也至離目兑澤坎兑為

九己日尾 公馬

見小帖

金分四月 革者乃者難詞也一説戊已屬土已則除土也除土 及中半之前不若革于已過中半之後亦所謂不 革天下之事不當輕遽如以十日為率與其革干 説天有十日甲至戊為前五日已至癸為後五日變 先金一日為已居火金之間正革之當其時者 數義一說金曰從革于干為庚兑之行也遇離而革 日也革不即字次日乃孚所謂乃者有待之詞耳 十干至庚有更革之義自庚至巳十日浹矣巳日浹 白書 九三日尾 三時 卦位于離兑之間置一西南坤則此卦上兑下離接 仍未當者如此甚夥不可不辨 以已土于義甚合舊舉諸説仲氏極以後說為當既 為轉尅為生之地故月今于金火之間置一中央土 必伏之未土之中今離火將尅兒金則中隔未上以 土為生是調和之非革之也遂不從蓋說有極精而 而又謂已土之説亦即已日中該之但火金之尅藉 者濕土為金之母凡四時之行火金為序金生于上 易小帖 x

大行之數五十以天一地二天三地四天五地六天 銀定四月子書 適得五十此稍近理然夫子傳文不然其于大行 逆數至十八六而成老陰不取四數去一數四數而 附會並無一當惟唐崔憬闡陰陽老少之說謂陽從 地八天九地十之數較之則天數二十有五地數三 起順數至五七九而成老陽不取一數陰從二 之後即接天數五地數五五位相得而各有合語 其數不合于是漢儒立説紛紛而起然大概牽强

ク・コーション ことす 説置 之 陽則陽數剛五十陰數亦剛五十無少偏缺所謂上 朱元昇作圖書合數謂河圖之數四十有五此依 五而生成大數止得五十此夫子自為釋者若宋 成之數而生數止于五成數止于十雖合數五十有 明 行之數五十者如此夫合百數而止取五十取陽乎 取除乎且天數地數止有此數今所稱圖書者各 明以此作五十之註謂天數與地數相合各有生 合之洛書之數五十有五共百數也而分陰 易小帖

**赵定四库全書** 百可乎陳氏河圖原竊鄭康成大行之數註故五 言之耳以其所各言者而并數之將所云天數五者 五數與夫子所言之數合若洛書則竊乾鑿度太乙 明曰凡天地之數五十有五而此反曰天地之數 有五地數三十而此反曰天數五十地數五十夫子 亂之道也夫夫子明數其數而指實之曰天數二 今天數有十所謂坎一 下九宫法其所云四十五數則自有易以來並無比 離二者今有坎二離四此

易無乾一免二離三震四巽五坎六艮七坤八之數此 陳氏先天畫卦所杜撰者宋儒回護其說無所不至 數不惟夫子傳中無此即漢儒田何以後下至唐儒 即上經首乾坤下經首咸恒上下經終坎離既未濟 以兑二與艮七畫作二層為下經之首以離三坎六 之易而宋後丹竈之家亂及九筮六經從此掃地矣 孔陸諸徒言易千家亦何曾曰天壤間有四十五數 節繪圖者以乾一與坤八畫作一層為上經之首 易小帖

欠已日尾 白馬

金分四月 乾之六以坎位正北乾位西北與鄭康成所註大 經卦二層未當均等而圖繪儼然何也 五無屬矣且其以兑艮為咸恒者謂咸卦兑上艮 原無數其有數者總以大傳卦位為言如坎之 不知倒易為恒則又震上異下矣上經卦 生生 層為上下經之終以為至精然而震四與 陳摶作先天圖位因兩儀四象畫卦 于北地六成之相合故云若乾 層

とこりる こよう 震七長陽坎五中陽艮三少陽坤六老陰巽八長 陰少陽因之以乾為老陽坤為老陰震坎艮為少陽 少陰其于乾一兑二諸數又不合然而揲蓍之 乾九老陽坤六老陰震坎艮皆七少陽異離免皆心 六艮七坤八之數全然不合若以揲蓍之老少言則 異離兄為少陰若據唇崔憬老少之數則乾九老陽 離十中陰兑二少陰與乾一兑二離三震四巽五坎 故陰陽老少並非四象而圖以四象為老陰老陽少 陰

多定 匹库全書 謂 位 離坎艮坤六卦尚可强合而以震三之數當位二 為說者也于是巧為曲全者造作四象八卦位數 之旨可謂匠心巧妙矣然以合之先天之數則乾兑 位無五而數無十正以合之圖書八卦中央無位 為少陽則位三而數七坤為太陰則位八而數六 入所稔講也乾九坤六兩少七八程朱諸儒皆取 位從一至四 而數九異離兑為少陰則位二而數八震坎 順數從九 至六逆數乾為太陽 艮 圖

卦位無數着並有數故易之有數始于撰着然其數則 **化三甲尼二季** 六經以聖言為主非聖之言雖多方鏝飾無一而 夫子自言之無容後人增減者其曰乾之策二百 離三坤四兑五乾六坎七艮八此斷斷不易者 若卦位之數經無明文但就說卦推之則震! 九則四九三十六為一陽之數乾有六陽則三六 十有六謂揲着法以四莖起揲敷老陽數九以四乘 八之陰巽五之數當位三數七之陽則鵠黑烏白矣 易小帖 巽

多定四周全書 易數必合歷數也乃又曰二篇之策萬有一千五百 當期之數謂乾策二百一十六與坤數一百四十 百 共得三百六十與律歷一 六二十四合得一百四十四策又曰凡三百有六 之策百四十有四謂老陰數六以四乘六則四六 一十謂上下二經六十四卦該有三百八十四爻而 四為一 八十又六六三十六合得二百一十六策又曰坤 一陰之數坤有六陰則二六一百二十又 期之數相值故曰當非 四 四

是需卦于是将六十四卦中可反對者合并之凡五 皆反對一 萬物其不得再指歷數可驗也宋人拾得舊儒凡卦 當萬物之數以無象可當則取其盈數約略指之曰 得四千六百八策合之為一萬一千五百二十其云 陰陽各半則陽爻一百九十二每爻三十六可得六 千九百一十二策隂爻一百九十二每爻二十四可 六卦竟并作二十八卦而以乾坤坎離頤大過中 一語以為屯反為蒙只是屯卦需反為訟只 易小帖

**到好匹庫全書** 孚小過八卦不反對者通計之得三十六卦乃即此 對之例創自文王而夫子于雜卦言之前儒又言之 千六百第一元之數是夫子之言非矣且不知其以 萬有二千九百六十策當郃氏皇極經世十二萬九 圖立說名為周易六宫圖而大斷其說曰周易全數 十六其六十之策共得一萬二千九百六十策因繪 二百一十六乘六十之數所謂六十者何數也夫反 三十六卦中計其爻該有二百一十六十是二百

有二千九百六十當的氏皇極經世一元之數其離 易三十六卦周易全策夫子明明指定之曰萬有 易其經卦皆八其别卦皆六十有四而宋人敢曰周 經叛道可謂極矣義文作易未當為律歷設其云當 千五百二十當萬物之數而宋人敢曰周易全策萬 原非宋人創説可不必多方曲求過作狡獪若六十 四卦則儼然在列周官太卜三易明云連山歸藏周 期之數偶然以數適相當故云觀其後私曰萬物

欠二日日 二十

金分 乾坤二策其數正合三百六十以乾二百一十六坤 日之學亡于備數推易亦然非虚語也 除亦合得六除正與乾坤二卦六陽六陰相合則 則屯蒙二陽需訟四陽合得六陽屯蒙四陰需 百四十四合之剛三百六十也其他屯蒙需訟四 可知若止作律算盈萬累億則一天文生能之即 四月生書 倍法為神奇一 會計吏能之曾何足以難儒者而愚者賴以 似夫子翻有所未解者故吾謂律 卦 加

とこうき たらう 坤六陽六除合亦適得三百六十之數遂妄起推 否同人大有四卦則泰否三陽三陰同人大有五陽 序卦例圖于以合于皇極經世運會之數及推之泰 氏闡先天圖後凡南宋言易者爭相趨附乃作上下 以為上下經序卦之例皆以三百六十數為度自邻 履四卦師比一陽五陰小畜履一陰五陽又適與乾 **陰合之得八陽四陰共四百一十四策是必退** 

數亦自應三百六十此不須計也又推之師比小畜

**剑定匹库全書** 贏以合之三百六十謙豫隨蠱四卦則謙豫 **陰隨盡三陽三陰合之得四陽八陰又必增其缺以** 朝三之術而又不能矣宋人竊前儒一 既可那移則雖乾坤倒排六子混列彼此那移何當 合之三百六十則全易萬有一千五百二十之策原 不合而以之定序卦數例此欲效狙公狡儈作暮四 合上下經六十四卦三百八十四爻之數而統成之 即以此反訾前儒及其既而浸淫無忌竟篡易聖 就遂於為獨 赐

九三刀阜 A 等 楊子太玄分大行之數以三八為木四九為金二七為 但鄭氏一 與 言而不之過然倒底紕漏向使京焦施孟之徒有 并在五則有名而欠其實在十則得實而亡其名蓋 **丁合土** ,此則華山授受何處駐足況部蔡後人之璅璅者 六為水五五為土此即鄭氏大行之註所由助 生 六合水二七合火三八合木四九合金五 成俱全舉其數而太玄五五生成兼 ţ.

金牙四月全書 累之如五加一則為六故六與 中以五丘即十也亦不必言五而五在其中以五 力口 為十則 加 以生數之極即成數之本故六七八九俱從五數重 十有五而實指其數然又闕五數而曰五十則正 生成全數本未交互處概言之以合之揲蓍之策已 四為九皆然則五加五為十不必言十而十在 二則為七故七與二合以七即二也至加三為 , 五為五也故夫子言大行之數明知為 合以六即 也 リソ 瓦

虞仲翔以納甲闡五十五數謂甲乾乙坤相得合木丙 得合金天壬地癸相得合水其言天地者即乾坤也 艮丁兑相得合火戊坎巴離相得合上庚震辛異相 位 無是耳 與夫子說有合而予作仲氏易時仍不用之者以 居中宫而有五無十則又失大行數矣楊子五五 耳若太乙下九宮法今之冒稱洛書者謂太乙不 相得本文自具必欲暴白其闕五之故恐聖言亦

たこう ヨー こよう

易小帖

**動好四届全書** 若劉牧竊襲虞鄭兩家之意以一六合坎二七合火 盖十日之數自甲至癸即自一至十乾納甲士以甲 得原數亦俱彷彿此本漢儒舊説而宋人多宗之者 自是而震納庚數七巽納辛數八坎納戊數五離 已數六良納丙數三兑納丁數四于以合于五位 二八合木四九合金其為八純者本之康成巳得 數而以中央五十則做之仲翔天地之數以為天 **壬九皆乾數也坤納乙於以乙二癸十皆坤數也** 

とこする こら 馬季長論大行數謂太極生兩儀兩儀生日月日月生 異而不知其不合如此 位而乾坤天地雜見錯出如是者陳氏之徒務為 氣太極一兩儀二日月又二于以合于四時五行 干園轉位無一定故數無一名豈可以大傳所定 四時四時生五行五行生十二月十二月生二十 數與虞氏之祇合卦氣者又有礙矣天地即乾坤支 九地六合為十五共五十五數則天地乾坤各分位 易小妈 四

金 四届全書 有以律日配易者亦祖馬李長說謂太極配黃鐘兩儀 配陰陽二律日月配二變四時配四清聲五行配五 豈其然 地可少北辰樞機轉旋天地謂之運猶可謂之生則 其稱太極為北辰本漢儒易緯習說然而北辰生天 太極不動也天數地數合五十五此夫子自作大 之數之註而別取日月時氣以實其數固已非是 一月二十四氣之數則剛得五十其用四十九者 行 且 」ソ

鄭康成註天地之數五十有五以一二三四五為五行 こうえつけ 言易于易理無與以之言樂于樂聲無與則何必然 為三百六十策當期之數其于說非不巧合然以之 聲十二月配十二律二十四氣配二十四調已剛得 不長晦耶 矣算律而律亡今乃以算律者而移之算易易馬得 以七聲乘十二律為其别六十有四以三百六十 五十之數矣于是以七聲行七調為其用四十有九 易小帖

到定匹库 全書 氣其分有兩其并即一故曰五行各氣并氣并而減 闕五為大行數者以五行生成兩兩并合則五行各 生數六七八九十為五行成數合五十有五其所 五是也朱漢上不解其説而以氣并為氣通謂十日 五數而去五數為五十此與京房乾鑿度說俱合然 十二辰二十八宿皆有五行之氣通于其間共五十 之何故又去之亦不可解 全非鄭説强以坐之不可為訓且五行之氣既已通

くこり こここう 大行之數夫子但言乾坤之策而不及六子以揲蓍之 荀慈明謂卦八爻六以六乘八六八四十八加之乾 法老變必不變乾老陽坤老陰老則當變故及之若 共五十五正此數也若以用進一以勿用退 坤 矣豈有此理 之上六小人勿用家之六三勿用取女皆當退一爻 一用為五十其用四十有九者以潛龍勿用也夫乾 二用宜有十五劉長民以二用十五加八卦四十 易小帖 一則師

**到定四库全書** 異次離艮允六子雖老少不同而其為三百六十策 則 每卦六爻六其二十八則一百六十八也少陰數 有八凡一百九十二爻為五十三百七十六策少除 以二少言則少陽數七以四揲相乘則四七二十 以四楪相來則四八三十二數每卦六爻六其三 則一百九十二也以一百六十八合之 則猶是三百六十日當期之數與乾坤無異故震 人純皆同故究推其極則二篇之數少陽策二 卷三 一百九十

欠己口巨 白 鼎之九二曰我仇有疾王弼以六五為九二仇則以 五本相應且鼎以大壯之五剛為二所易則二為我 老之策無異然其數亦止于此若再推則又律歷家 之説為非是況其他乎 乾坤二老三百六十之數而不及他卦疑卦氣直日 之事非易義矣宋劉牧受陳氏之教然猶謂經惟舉 合之亦萬有一千五百二十當萬物之數與乾坤 三十有二凡一百九十二爻為六千一百四十四策 易小帖

時偽子夏傳以五為仇且註曰君子好仇見陸氏 我則既襲仲翔舊説而又以仇為怨恨倍失之矣隋 夏傳以為二與四為仇四以近權惡我專任怨耦敵 為二仇則雜亂矣無論五為二應且為二易二必匹 文而宋時偽子夏傳則偽之又偽反以四為仇且 為心疾故有疾若初四則何疾之有朱漢上引偽子 五而即以有疾推之惟六五居離中而離伏坎位坎 匹其説是也若虞氏以九四為二仇而程傳以初

釤分

四月

イコー

大百日日 1115 范問員疑及傳非孔子作以乾及傳大哉乾元諸語文 傳今所稱大象小象者皆周公作則更不然從來 箕子對行作易則謂之文周舊文不得矣若謂諸象 下平也夫子不應自讚其語然明夷彖傳直以文王 言又從而讚之如時乘六龍以御天也雲行雨施天 舊文凡唐儒所引者皆不之顧故並無一合而漢上 引以解經豈不舛乎 怨耦曰仇為解則正相矛盾緣後之作偽者不深考 易小帖

金分 辭如陳文子斷因之大過引因象解曰因于石往不 濟也據于蒺藜所恃傷也入于其官不見其妻由无 卦雷乘乾曰大壯類此即大象也亦皆有每爻小象 計總名原有卦解如春秋傳史墨對趙簡子曰在易 見于世而在夫子之先又必先有大小象辭一 所歸也類此即小象也緣此時孔子大小象解俱未 引必早及之矣夫子十異其數目雖互有參錯然其 四月分書 ·所讚例故云云若周公原文則凡春秋傳卜筮所 如夫

いつこう いけ 艮為門闕故凡言門者必有艮象在其中惟同人初 乾為門不補入說卦者以大傳已有易之門語則 謂乾為門此本大傳乾坤其易之門耶語然同人五 同人于門本卦無艮不知同人從始來始初移二則 爻皆乾而以初同于四為出門則于象有未安矣若 初與二皆陰爻連三為艮為門此推易法也虞仲 云夫子作則自漢迄今無異詞者宋去古甚遠何足 知之諤昌陳搏門人 易小帖 主

多好匹件全書 論語曽子曰君子思不出其位往惑于范諤昌説以 為己說者既而讀何晏論語集解知此與上節子 必補耳他做此 非夫子作豈有夫子贊易之語而曾子可直竊師說 吾不試故藝正同但彼有子云而此不加子曰者 而曾子即引子赞易之詞以為之証此與牢曰子 不在其位不謀其政連作一章則子既以在位為言 一獨係子言無太宰子貢雜説 則不少又加子 云 **リ**ス 曰

たこりる Main 可知不然馬知曽子為此言時必在夫子贊易後為 夫子語耶 文言元者善之長類故曽子亦得引其言為証亦未 以别之也且或此句係古象詞而夫子偶襲其句如 主

易小帖卷三					<b>新定四届全書</b>
-					
				ţ	卷三
					L